

SEKTOR MAKANAN

SOALAN-SOALAN LAZIM

1. Apakah jenis premis makanan bagi kluster perniagaan berpremis yang dibenarkan oleh kerajaan untuk beroperasi mulai 12 Mei 2020?

- Restoran
- Medan selera / pusat penjaja
- Gerai makan tepi jalan (berbumbung) / kiosk

Pembukaan sektor-sektor ekonomi akan dilakukan secara berperingkat, melainkan sektor-sektor yang dinyatakan dalam Senarai Aktiviti Yang Dilarang. Semua sektor perniagaan makanan berpremis dibenarkan untuk dibuka semula dan beroperasi berdasarkan SOP yang dikeluarkan oleh Kerajaan Negeri.

2. Apakah arahan yang wajib dipatuhi oleh setiap peniaga / penjaja berpremis semasa menjalankan perniagaan?

Peniaga perlu merekod kehadiran pekerja dengan mengambil kira butiran nama penuh, nombor kad pengenalan, nombor telefon serta suhu badan pekerja dan pelanggan pada setiap hari mereka menjalankan perniagaan.

Selain itu, perkara-perkara berikut perlu diberi perhatian dan penekanan:

- Mengambil dan merekod suhu badan pekerja pada awal waktu bekerja.
- Menyusun meja dengan jarak 2 meter antara meja bagi membolehkan penjarakan sosial sekurang-kurangnya 1 meter.
- Setiap meja tidak melebihi empat orang.
- Premis/peniaga perlu menyatakan dengan jelas bilangan pelanggan yang dibenarkan pada satu-satu masa untuk memenuhi keperluan penjarakan sosial.
- Mewajibkan penggunaan cecair pembasmi kuman pada tangan berasaskan alkohol atau menyediakan kawasan mencuci tangan dengan sabun
- Menggalakkan penggunaan peralatan makanan mudah urai (biodegradable) pakai buang
- Menggunakan cecair pencuci dengan kandungan 'sodium hypochlorite' mengikut garis panduan Kementerian Kesihatan Malaysia (KKM).

3. Apakah jenis premis makanan bagi kluster perniagaan/penjajaan tanpa premis yang dibenarkan oleh kerajaan untuk beroperasi mulai 4 Mei 2020?

- Kenderaan saji (Food Truck)
- Penjaja bergerak
- Penjaja tepi jalan (sementara)

Pembukaan sektor-sektor ekonomi akan dilakukan secara berperingkat, melainkan sektor-sektor yang dinyatakan dalam Senarai Aktiviti Yang Dilarang. Semua sektor makanan bagi kluster perniagaan / penjajaan tanpa premis dibenarkan untuk dibuka semula dan beroperasi berdasarkan SOP yang dikeluarkan oleh Kerajaan Negeri.

4. Apakah waktu operasi yang dibenarkan bagi perniagaan / penjajaan makanan tanpa premis?

Penjaja tepi jalan, kenderaan suji dan penjaja bergerak waktu beroperasi adalah dari jam 7 pagi hingga 10 malam. Manakala bari pasar segar terkawal waktu operasi adalah dari jam 7 pagi hingga 11 malam.

5. Apakah arahan yang wajib dipatuhi oleh setiap peniaga / penjaja tanpa premis ini semasa menjalankan perniagaan?

Peniaga merekod kehadiran serta suhu badan pekerja pada setiap hari. Mereka juga perlu menghadkan bilangan pelanggan di kawasan perniagaan pada satu-satu masa supaya tidak berkumpul dan bersesak-sesak.

Selain itu, perkara-perkara berikut perlu diberi perhatian dan penekanan:

- Mengambil dan merekod suhu badan pekerja pada awal waktu bekerja
- Memastikan jarak 1 meter antara setiap pelanggan semasa pembelian
- Mewajibkan penggunaan cecair pembasmi kuman pada tangan berasaskan alcohol
- Menggalakkan penggunaan peralatan makanan mudah urai (biodegradable) pakai buang
- Menggunakan cecair pencuci dengan kandungan 'sodium hypochlorite' mengikut garis panduan KKM.

6. Adakah hidangan secara buffet dibenarkan bagi premis restoran dan kedai makan.

Tidak.